

Roengzmbanj Soengq Camnai Raeuj Sim Beixnuengx Yauzcuz

下乡送慰问 情暖瑶胞心

——Namningz Si Banh Cunghgyaugai Banggungz Banghoj Nem
“Aen Singhgiz Swzsienh Cunghgyau” Hozdung Hainduj Yizsi



▲ Namningz Si Minz-
cunghveij cujyin Suh Ci-
gangh cujiz hainduj yizsi.

▲ Namningz Siveij cang-
veij, Dungjcanbu bucanj Cau
Hungzmingz gangivah.



▲ Namningz Siveij cangzveij,
Dungjcanbu bucanj Cau Hungz-
mingz fat doxgaiq hawj vunzlai.

Bonjbauq siusik (gicej Cau Dwzfeih) 9 nyied 22 hauh, Namningz Si Minzcunghveij youq Sanglinz Yen Cinhih Yauzcuz Yangh Baizhungz Cunh Mbanjbaizbah banh cunghgyaugai banggungz banghoj nem bi 2016 “aen singhgiz swzsienh cunghgyau” hozdung hainduj yizsi, Namningz Siveij cangzveij, Dungjcanbu bucanj Cau Hungzmingz camgya yizsi caemhcai gangivah, Si Minzcunghveij cujyin Suh Cigangh, Si Fuzgyau Hezvei, Yihswhlanzgyau Hezvei, Denhcujgyau Gyaezguk-hoih, Gihduzgyau Sanhsu Gyaezguk Yindung Veijyenzvei, Gihduzgyau Hezvei 5 aen si gaep cunghgyau donzdij bauxfucwz caeuq mbanj cunghgyau hozdung ciengzdieg bauxfucwz camgya hainduj yizsi.

Ngoenzde, Cau Hungzmingz, Suh Cigangh caeuq gyoengqvunz cunghgyaugai daiqbiuj caez fat mienh, youzduhdoem daengj doxgaiq hawj ranzungzhoj. Caiqlij bae ranz daegbied gungzhoj haenx camnai, roxyiuj gij cingzvang ndawranz dem. Doih simndei yawjbingh youz bauxsaenq Si Gihduzgyau Gunghozdangz gapbaenz haenx lij vih vunzlai Baizhungz Cunh yawjbingh rau hezyaz mbouj aeu cienz. Baez hozdung neix, Baizhungz Cunh gungh miz 122 ranz ranzungzhoj ndaej ik, siciz cunghgyau donzdij lienzhah soengq ok cienzcamnai caeuq doxgaiq dij yinzminzbi gungh 26400 maenz.

Cau Hungzmingz naeuz, cunghgyaugai guh goeng'ik swzsienh saehnieb, miz guekgia cwngcwz cengdingj, miz vunzlai bauxsaenq haeujcoengh, gyoengqvunz gungzhoj hix muenghmiz, dwg hangh leih guek leih minz saehnieb he. Doengzseiz gujli daengx si cunghgyaugai

gaenxmaenx fatyienz gij saenqniemh caeuq conzdungj ndei fugsah ndawbiengz, leih'ik beksingq, doicaenh goeng'ik swzsienh hozdung seiz caenh'itbough coicaenh cunghgyau cangqheiq hwngfat, yienh'ok gij sevei gyaciz cunghgyau, laeb gij yienghsiengq ndei cunghgyaugai, vih Namningz Si dwkhangz ciengz ciengq vut gungz gunggeng guh ok gungyen hungloet.

Namningz Si Gihduzgyau Sanhsu Gyaezguk Yindung Veijyenzvei cujsiz, Namningz Si Gihduzgyau Gunghozdangz Cau Hungzmeiz muzsw daiqbiuj Namningz Si cunghgyaugai youq hainduj yizsi gangj gij iudaeuz bangrenz cingcinj banggungz, iudaeuz daengx si cunghgyaugai comzgiat siengjngeix caemhrox, youq daengx si cunghgyaugai caux ok gij heiqfaenh naekna gvansim gungzhoj vwndiz, haeujcoengh cingcinj banggungz, camgya banggungz gunggeng; fatok gij conzdungj ndei cunghgyaugai maij guh saehsienh, gvansim mbanjgungzhoj dajndongj roenloh, yungh raemx yungh dienh ancienz daengj gunghcwngz, yungh lai cungj fuengsik caezsim guh gij saeh doiq beksingq mizik haenx, yungh hengzdoengh yienh'ok sevei cwzyin, bangcoh

vunzlai gungzhoj; iudaeuz gij sevei naengzliengh ndei aeueiq, bauyungz, vwnzmingz, cinbu haenx.

Youq cunghgyaugai haiguh “aen singhgiz swzsienh cunghgyau” hozdung, dwg Guekgia Cunghgyaugiz vih doidoengh gvancez lozsiz 《Gij Yigen Mizgven Gujli Caeuq Gveihfan Cunghgyaugai Guh Goeng'ik Swzsienh Hozdung》 youz Cunghyangh Dungjcanbu, Guekgia Fazgaijveij, Minzcwnghbu, Caizcwnghbu, Guekgia Suivucungjiz daengj bumwnz lienzhah fat haenx, hangh hozdung daj bi 2012 hainduj haiguh he, muzdiz dwg caenh'itbough doidoengh cunghgyaugai guh goeng'ik swzsienh hozdung ndaej cangqheiq miz boughloh haiguh. Seiq bi daeuj, Namningz Si cunghgyaugai gaenxmaenx hoizwngq haucau, fatyienz gij conzdungj ndei cunghgyau maij guh saehsienh saehndei, dinghgeiz bang bauxlaux godog gungzhoj, gien cienz banghag, ngoenzciat cujiz cunz gungz cam haemz hozdung, miz cainanh caeuq hozdung youqgaenj seiz gaenxmaenx gien cienz gien doxgai daengj, youq saedhengz fugsah sevei, ik daengz beksingq seiz guhcingq sinyangj, gaenq baenz cungh cangzdai Namningz Si seiq aen cunghgyau hung he.



▲ Vunzlai gungzhoj Mbanj-
yauz baizdoih lingx doxgaiq.



▲ Geij bauxvunz cunghgyau
bae ranzungzhoj yawj camnai
bouxlaux.



▲ Doih simndei yawjbingh vih
vunzmbanj Mbanjyauz rau hezyaz.



▲ Hozdung
hainduj yizsi
vienhciegz.

► Doih sim-
ndei yawjbingh vih
vunzmbanj Mbanj-
yauz yawjbingh.

